

de patria dialecto summopere benemeritus. *P. Parisevics* orator et poeta, qui plures elegantes tragædias edidit. *Lakics* a consiliis regiis, scriptor eximius, et Universitatis pestinensis et typographiæ moderator.

Qui viri doctrina præstantes nunc florent in patria immortalium auctorum *Boskovichii*, *Pray*, *Zamagnæ*, *Cunichii* mihi non est compertum. *Georgius Ferrich* poeta illyricus fit maximi. *Stephanus Rajcsevich* Viennæ a consiliis aulicis, vir eruditissimus, multarum linguarum gnarus, ac illyricæ historiæ illustrator: quod opus nondum prodiit. Viri omnibus scientiis præstantes in Dalmatia mihi innotuerunt *Sebenici* comes *Vincen-tius Drago*, et *p. Castellani*; *Spalati* seu *Solonæ* comes *Bajamonti*; canonicus *Jurevich*, doctor *Benini*, *Grisogono*; *Jaderæ* comes *Stratico*, doctor *Angelus Frati*; *Tragurii* canonicus *Scacoz* aliique. *P. Joachimus Stulli* ragusinus claudit agmen. Hic quadraginta et amplius annos insumpsit suo lexico contexendo. Pars ejusdem latina post octo annos primum in lucem prodiit; reliquæ duæ forsitan adhuc totidem annis remorabuntur. Is totam vocabulorum massam non solum ex libris, lexicis et omnibus illyricæ linguæ dialectis conguessit, sed regiones quaquaversum percurrens voces censoribus ignotas e plebe, rusticis ac montium incolis expiscatus in suum lexicon invexit, quod utinam jam  
lu-